


下



龔晉之先生詩鈔序



余既刊定復園先生詩稿復得晉之先生詩如千首編殘簡斷句櫛而字綴之令小胥繕寫畢吟誦數過恍然如見先生之為人先生諱策字晉之爲觀察修默公之孫而文學復園先生之父也才高學博善持論尤工於詩從其祖觀祭公官燕趙中州八閩間遍游名山大川所至多有題詠晚節值明季喪亂鬱鬱不得志凡有憂思感憤無聊不平咸寓之於詩每脫稿輒傳誦人口以故晉之先生詩名滿天下一時宿儒鉅公爭相結納而先生直睥睨一切塵埃軒冕悲歌慷慨偃蹇州司馬以卒余總角時從復園先生遊每見先生於故紙中偶檢得單詞隻句即哦吟不輟亟取而收之詩篋喟然曰此吾先子之手澤也家貧不能付梓吾今老矣又無子嗣區區之懷得不隨烟銷蝶化耶因潛然泣下迨疾革手授詩稿一束中晉之先生作蓋十居二三焉嗟乎先生之志可知矣先生念厥考學業悉萃於詩乃困阨終老再世不振環顧其後罔有繼者兩目泔泔固不能無望余小子也今脫刊定復園先生之稿顧獨遺晉之先生之詩不壽諸梨棗

則復園先生之志將不慰而余弟子之職亦將不盡爰因其舊目而
編次之都爲三卷付之剞劂氏以與復園先生之稿並行云同里後
學趙侗數謹撰

晉之詩鈔目錄

卷一

玉堤近著詩三十九首

玉堤問西草六十五首

卷二

華山紀遊詩七十三首

游西山詩三十七首

卷三

俟菴咏史詩四十首

蟬葉菴咏古詩三十四首

松風小箋詩四十九首

晉之詩鈔卷一



後學趙侗敦校閱

王堤近著

○荅西生上人乞松歌

亭亭翠蓋盤空立夜攫蛟龍山鬼泣突鬢踈眉氣不降披雲仰視凌
 風揖風鳴雲起時嘯歌藤蘿為帶衣青莎勁節不染草頭露直腸欲
 與青穹摩幽人往來時一過與松坐起與石卧蕭蕭清籟雜梵音亂
 捲秋濤碧成唾年深寺古苔不封荒徑還輸九里松朝烟不凝暮雨
 寂石壇如洗山如童西竺先生古德後雙林拍起天中吼為憐此翁
 不自持時向峰頭結其肘念松欲作乞松緣和松有句披松烟松烟
 時生復時滅山靈長護松濤箋會見千章簪石壁陰風襲天浪吞日
 松膏夜貢佛前燈松花曉印壇前石虬枝怒幹春復冬鶴巢亂踏青
 芙蓉雲間有寺人不見一路寒山萬木中

○乙丑秋楊應山先生死為長言以附弔屈

楚江夜泣天倒流湘纍落落孤臣秋劍寒欲白忠與佞赤身起謝蒼
 生愁蒼生視天不可問血濺承明驚帝聽山鬼晝嘯人不靈氣絕如

絲骨猶勁零落囹圄總杯土脰斷肢殘肉成礎游魂不辨歸去來月
明帝渚公無渡枷鎖風吹淚滿城臣罪萬死天王明先生此意勝龍
比慷慨不欲居其名黃金不鑄先生骨白雪青山兩愁絕麒麟閣上
浪得名鸚鵡洲前水猶泣我思吊古屈大夫清淚暗彈那得無嚼齒
齧穿血墮碧大江東去相歌呼有酒且澆應山土名芳氣烈登刀俎
善善止欲同其清濁流之投自千古千古寂寂人云亡頭臚擲罷寒
貂鎗容城先生死知己此身原是不隨楊結句乃椒山先生自味
此乙丑冬日作一友人見之謂世方以居功為應山罪子獨以不
居名為應山悲地下有知不減元美之傷椒山作也然亦可謂不
合時宜矣附識之

、雨後過冷泉亭

雨過來幽徑泉流合澗鳴亭懸千嶂色樹帶一溪聲石落驚猿入雲
還並馬行尋盟托孤往林際晚風清

靈隱

幽意拾不盡萬山雲外追竹香微浥露花雨巧侵苔寺古禪心老泉

寒石火煨莫愁歸路曲松際鶴飛回

、玉岑

白雲何所往出處在高峰鶴帶洲前月僧迷烟外鐘虛堂羣影入曲
徑一泉逢花落春歸塢苔痕處處封

烟霞

策杖遙相過烟霞信手搏巖深鳥語曲洞老石光寒松逕紆殘屐枰
聲度急湍身從雲上下歸路翠千盤

石屋

陰壑通何處悠然靜者存夢回雲下榻坐久月迎門石髓疑花乳苔
衣上竹痕寒泉明似眼應共摘星捫

與西生師夜談

山色靜中老泉聲復處新携筇盤竹徑折屐逗松鱗坐久澄新觀情
深遡往因西堂貯孤月不起一重塵

、玉岑法相道中

春林踏欲遍山徑靜中分草色迷泉眼藤花轉石筋峰多巧避日竹

密欲藏雲不見幽香入心清時一聞

與黃貞父先生泛湖晚歸即事

暮色入林蒼扁舟繫野棠雲飛山影亂月照水心忙宿鳥迷花塢鳴
鳩過竹廊清歌停夜半漁火點微茫

月下坐斷橋聞銀箏彈驚夢闌

暝色下林洲銀箏起素鷗歌疑來子夜思復抱前秋爲答琴心引因
憐夢影畱斷橋今夜月明滅草橋舟

飛來峰

翠擁寒峰落雙林西轉西夢猶還竺境水復漲曹溪洞巧雲藏拙岩
深月過遲相携磔村酒松外聽黃鸝

間步西冷

林靜日逾長春山倦倚妝因風飛絮起隨水落花香酒色侵蘭幙茶
烟出竹房爲酌蘇小恨把盞磔斜陽

峽巖竹房

訪竹入深徑竹深不見山斷崖藤作杖古剎樹爲關泉响分岐路樵

歌度隔灣午鐘何處落坐見白雲還

與從客步月至六橋從西冷沿孤山梅花嶼而還

滿目驚波起疑從銀漢流烟迷花外逕月照竹西樓野市星橋畔叩
歌水調頭渾茫身似夢佳句墮滄洲

寄西生上人

東望復何咲西來意已忘遠心塵外落幽興夢中翔赴鶴巡花逕招
雲伴竹房無生君是侶烟水兩行裝

寄夢曙上人

夢入高林去心清空亦香竹樓禪月印石鉢古雲涼客至幽成癖僧
歸澹不忙携將舊時塵來踏虎溪霜

乘月過風篁嶺

微風來太虛琅玕自相齧綠印嶺頭雲冷浸溪邊月前村燈未明後
山烟已沒石咽水爭流悲鳴聲窸窣

龍井

撥雲過前岡翠影落羣岫曲澗石琴鳴陰房吐花繡龍腥夜壑哀燕

蹴春波溜輕風繞玉壇吹落雙飛籜

過岳忠武先生祠拜墓下

風波亭下落星營唾手燕雲計莫行北望已知非內詔南枝猶欲向
諸陵寒潭夜雨青萍泣荒草秋風白骨鳴誰是請纓來弱冠至今遺
恨失書生

夜宿于忠肅先生祠 借二韻

黃雲盡淨白雲閒萬壑千林擁石壇社稷有君拚活計髑髏無語謝
生還忠魂夜泊烟中雨清淚寒流夢裏山草色不堪畱日暮年季古
道照人顏

見歌者別口占代贈

醉裏笙歌鏡裏霞雨香雲影寄吳紗心深自覺三生重意促翻憐半
夢賒茂苑那堪新響屨江州猶唱舊琵琶東風吹落春前淚曲曲相
思片片花

題竹閣

亭亭綠玉軒寒光落深嶼不見烟中人時聞烟外語

山中曉起

夢雨驚泉落泉聲過竹西一庭空翠合無雨濕人衣

夜宿山中

虛堂幽夢白千巖更深更深曉風吹落月折竹暗敲門

斷橋閒步入村落坐少日乃還

野橋春澗開疎籬餘小杏坐久澹忘歸夕陽亂人影

山中夜景

落月照前山鐘聲入夢境白雲靜不流青林澹孤影

放鶴亭

蕭蕭羽翰過西原華表空歸日已曛寥落不歸臺下水蒼苔猶見舊
時痕

雨過循斷橋而西

雲開山際眉如顰柳外歌聲教鸚鵡曳杖攀枝過小橋殘花歷落和
烟雨

執梅枝柳枝插張伯雨墓前以酒澆之

勾曲風流千載去
柳絮絮梅花語
王鈞橋上月如霜
道是幽人往來處

雷峰晚烟

萬山長抱鏡湖眠
清露無聲和宿烟
欲覓雷峰不知處
曉風吹出白雲邊

次西生上人送龍井新茗韻

山氣澄鮮簇雨花
水星低照竹烟斜
隔林深徑提壺過
處處鶯聲喚採茶

過溪亭

三咲因緣蓮葉東
風流再世托蘇公
憑君彈指亭前水
山色溪聲過即空

卓錫泉

錫去山空石未枯
寒泉明滅障蘼蕪
問師吸盡西湖水
畱得當年一滴無

落星巖

天風吹徹露泠泠
破月穿雲墮九青
下界何人弄文石
細看應是摘星亭

孤山謁和靖墓

玉立青林瘦影憐
荒臺日暮水含烟
冷泉一片當年石
遙對孤山處士眠

斷橋飛絮

樓外箏聲水外彈
石橋乳燕蹴波寒
錦塘遊騎臨風立
撲面楊花冒雪看

客以虞美人草索詞即以虞美人調答之

楚騷未散歌聲起
血照芙蓉紫月明
青塚美人過風鳴
露咽猶是喚如何
虞兮未盡燈前淚
魂繞烏江水殘紅
零亂楚天秋可憐
春色一曲小梁州

玉堤問西草

城霞閣

高閣平臺上疎林
古道邊潮回帆影折
雲去鳥聲旋寥廓
懷思曠清

洮寄仲宣洞簫何處起吹送夕陽烟

曉渡揚子扣舷而歌

胡沐短塵長風夜回首驚帆孤鶴跨垂空落月帶江聲萬點蒼烟影

中瀉

廣陵七夕

璇宮夜靜步香車歷歷明河隔絳紗露下簫聲和夢濕星前笑語倚
風斜平津鵲渡天中市曲澗杯行海上槎漠漠吳江似湘水青城橋
畔即天涯

二十四橋

廣陵城西五里

野色當軒照青燈曲檻浮月依芳草路風定木蘭舟玉樹迷清夜銀
箏落素秋露花凝不住香粉入雲流

廣陵枕上聽賣花聲

帶露穿星採月華竹籃斜罩碧雲紗幽香飛入湘山夢驚挽珠簾問
賣花

廣陵春詞

臨江仙

梁燕嬌扶春絮靜海棠欲睡風柔美人招月下西樓玉簫明滅處紅
豆合梁州 芳草多情重繫馬錦帆數疊雲收人來夢裏憶江頭晴
沙千里曲眉鎖斷山流

廣陵贈李玉雲

談咲知何事因緣到廣陵卓山飛夢繞長抱玉山雲

早行

盧龍鎮

馬蹄驅夢去夜色暗驚塵壁動燈添影杯寒酒弄痕亂山排古道落
月倚孤村回首昨宵路寒穉猶自温

天長過包孝肅先生祠

叱馭中原氣銅臺陋漢唐清風搖樹白古道映苔黃嶽立威顏熱河
清咲語涼千秋關節盡遺照駐斜陽

石梁露坐

梁可十四丈橫駕水
口百川亂流其下

欵坐銷殘暑長虹飲碧流星臨天渚夕雲送暮山秋燕掠波千曲鷗
眠夢一丘凌風清吹發身倚大荒浮

古符離觀劉項戰處

浮橋東鎮
萬山前橫

秦鹿千年夢風雲是處爭帳圍天漢曲弓掛斗山橫柳葉銀鎗色桃花鉄甲聲桓桓英氣在燐火夜空明
行淮河道上懷韓王孫
一飯詎思報千金懷有心寂寥天下士母氏獨知音

眺望長淮

千里長淮地臨風想戰垓酒酣頻擊筑歌罷獨登臺畊牧風雲畧屠沽將相才壯心揮不去天外一鴻來

渡泗州望皇陵

天子粉榆社年年里老同梨花春點鶴松影夜歸龍絳節紅羅水青山碧玉宮千秋神氣宅豐沛侍西東

宿州謁閔子祠

春風汶水心夜月蘆花語悠悠忠孝情奸雄詎知許

題虞姬塚在靈壁媽陵山畔

媽陵西望倚斜醺一曲梁州草色殷芳夢化為江上水因風長遠楚天雲

帳外歌聲楚夢闌劍光飛處玉光寒一朝氣盡千秋恨畱得殘碑帶月看

山行即事桃山界

涼風吹古道疎雨薄輕烟柳引絲絲緒荷翻面面緣向人回馬首知已對龍泉莫謂秋容澹楓葉照水燃

拜子房墓滕故屬韓地

七尺殘碑柱碧秋縱橫劍履出風流誤椎有意驚秦鹿借箸先教繫楚猴芝曲暫移商皓夢松雲長伴石公游辭封未欲終臣漢猶為亡

韓守一印

高唐夜月綿駒故里

高唐古齊右野樹暮雲平馬嘶清夜月疑是踏歌聲

早發高唐重霧戲題

驅車踏夢繞西津書劍空濛莫可捫豈是高唐雨雲後尚餘烟霧染行塵

回望秋山新嘉路

劍薄夜彈秋水裝清日貯秋雲吳客蕭然遠道看山獨立無羣

過新豐對月進一蕉葉

雲樹蒼茫一徑盤石欄盡處點琅玕嶺西此夜新豐月客思盈盈醉眼看

題孟嘗養士處 滕薛道中

履散堂空古道涼祗餘石磴枕垂楊而今意氣看人眼浪說千秋有孟嘗

七月曉寒 虹縣

桐葉涵書照影看萍花點笠帶愁安千林翠落烟中雨山路行人怯曉寒

行雨氣中 銅城界

石徑空濛晝不分午鳩疑是夢中間行行趁入前山雨止止還迷隔澗雲

曉露團團墮角巾西風飄泊起雲墳神游華岳瀾淪譜夢染瀟湘水墨裙

曉望嶧山暮至其下

裁雲割霧總成峰面面看山景不重晨露滴垂青薛荔暮烟掩落翠芙蓉鶴棲古道苔衣襯樹暗危岬石鏡通忽漫雨餘山欲徙一團蒼

王鎖秋容

謁孟廟 鄒縣

高坐衣冠上千秋一布袍豐碑畱夜氣古樹集秋濤迂遠存吾道繼橫陋若曹尼丘相望地日月麗重霄

毛萇說詩臺 河間府城北

野草秋原外毛公舊講壇雲埋竹簡沒露滴石經殘雅道廢如割風人景已酸說詩今遍地匡鼎復眉攢

村店即事

短短茅簷曲曲墻古槐深巷接南塘村翁貰酒臨風坐醉聽秋蟬曳晚涼

經督亢 新城

筑聲未罷歌聲起短劍如虹血為洗蕭蕭易水照人心畱得寒風報

知已

秋日景州道馬行水中

雨過山逾碧長林帶遠天劍花秋不老詩草夢猶懸游思歸鴻外孤情落照邊囊清惟一卷秋水馬蹄篇

任邱謁唐子方先生祠

縣故先生舊治

石徑平林立馬看千秋一葉夢猶丹到來冰雪流官在是處風塵古道殘簪笏遙連秋漢影鬚眉孤照晚山寒江籬欲薦頻回首斜月迷離劍氣闌

雄縣登文山先生弔古處

秋氣渺何際蕭然千古情暮雲連夜壑孤樹倚荒城劍去空留影碑沉不記名燕山寒月裏猶喧杜鵑聲

入燕懷荆卿

蕭蕭易水枕桑乾憶昔荆卿報子丹虹貫有心圍督亢悲歌無氣咲衣冠擊殘燕筑心逾熱彈破吳鈎骨未寒倚柱莫畱千載恨頭臚橫擲古人看

○中秋客舍聞簫風露淒然

何處簫聲墮碧秋長河如練接天浮林飛玉節千家杵坐倚冰壺百尺樓清照漸迷鳩鵲影廣寒先賜鸛鶴裘臨風獨上長亭望雲擁西山月倒流

玉河秋

偶來玉河畔瘦影照清連梧竹生秋雨芙蓉起夕烟溪平鳥夢遠葉厚馬蹄懸歸倚南樓月簫聲何處圓

九日樓居

秋老鎖空碧西山入檻平句隨寒葉墮思逐暮雲生玉拍千林杵花欹百疊城仲宣高寄在况復庾樓清

野寺秋殘

霜氣橫烟未欲收鶴歸帶影下前洲谿邊石角茅亭外剩有芙蓉一抹秋

報國寺看松

時九月十九為余初度盤桓竟日

千盤翠蓋倚雲亭霜雪年季莫記齡箕踞任看人眼白輪旋常拱佛

頭青夢飛陶史尋聲入醉倚山公倒載醒落落虬髯風過處呼龍靜
聽夜談經

橫披倒削翠重重石徑斜欄影欲逢葉擁寒濤晴亦兩枝供譚塵月
還風交深古處雲中鶴悟徹前因鉢底龍竟日松間相對語却疑身
坐蔚藍峰

月下懷燕昭

聞說金臺百尺層只今岐路草中捫胡琴無恙寧爭市齊瑟雖操不
過門歸夢密依鴻雁影閒心細簡鷓鴣塵憑欄獨坐南樓月一曲烏
飛葉滿茵

○秋夜夢月

寒月貯樓中月色不可掃思度千山驚落長安道

西山月

秋風掃石沐黃葉墮復起一片翠微烟月照如空水

秋閨詞

蝶戀花

楓落吳江烟一幅恨點眉山鎖斷雲千曲夢繞湘簾人影綠睡痕淺

印芙蓉褥 明月相望峰六六手挽銀箏冷怯風前玉寄到柳枝閒
更續天涯有路聲相逐

西山

虹氣垂空野馬羣太行東折擁迴紋天粘地脊千重翠風掠山眉一
道雲揮手鴻前驚絕壑側身松下倚殘醺海晏何處飛清梵紅葉蕭
蕭點石筋

千盤秀削翠芙蓉鹿徑斜連鳥道通影落大荒天欲坐詩尋古隙夢
猶逢澗飛晴雪千峰瀑嶂鎖寒濤萬壑松欲辨鴻濛山外意石梁西
去古雲封

長安月

宮漏沉沉燭影銷客心如醉倚風飄尋思狎入迷離境策杖行過宛
轉橋鳥度屏風青嶂外魚窺明鏡碧莎遙多情杜牧渾無事明月天
街聽玉簫

秋思

歸路雲山外離情深更深劍慚猶有氣裘敝不生塵青白隨人眼寒

暄寄客心千秋王京夢知己向誰論

贈友人花燭

上苑諧仙侶明光瀉曉髮影扶花外月翠點鏡中山乍怯疑香射猶
憐妬玉閒迢迢星渚曲夢繞楚雲還

至日普恩寺赴李將軍招

不盡青衫與相從白社游徵歌陶激忼擬劍出風流茗細談心合杯
深客夢浮胡牀堪共對寒磬到青邱

鳴珂殘雪夜佛火古雲連諧謔衆相舉疎狂我獨憐帳開歌扇細樽
簇酒籌旋落落青林客情深別有禪

長安雪

李青蓮游襄陽馬上掛金壺擁雪而咲余無酒腸不能具此風流標格聊短吟扣壺而已

太白倚孤咲金壺掛玉駉塔來山影外雲沒鳥聲中光發千林曉花
翻百疊風藥珠明月夜鶴斃立王恭

玉堤步雪

駃宕鳴珂去寒山對影遮鴻書畱王案馬坎築銀沙曲岬星河路平
津烟樹花遙遙明鏡裏疑泛海天槎

雪夜讀淮陰傳

霜滿長安雪滿城寄身天地一書生識先只有賢漂母恰咲文終戴
月行

雪景

遠水橋邊酒旆隔林烟外人家小閣夢迴清曉客星孤照梅花

小除日馬君常太史相遲茗話走筆賦謝

十載玄亭夢寒雲共此心情深渾自醉語細曲相尋遲暮憐蕉羽高
閒擬竹林風流長不墮遙咏碧山岑

簪履雅相集清談雖下逢史才原是馬酒致合如龍落雁先成句傳
梅已破封牛衣紫客夢欵坐擁黃公

除夕宿青門相國邸

歲暮平津閣高情夜共深清樽千里夢殘蠟一年心梅蕊糝餘雪椒
花滴滴金陽回宮漏轉行賦漢長林

除夕思家

社鼓春燈送歲華蕭然離思已還家烟迷吳會雲中雁霜滿燕臺夢

裏花官燭坐銷紅刻玉春爐醉倚碧沉沙閒心檢點歸時計細草驚
看客路斜

春望詞 虞美人

畫橋烟樹倚雲城芳芷逗春星幾度百花洲上望梅心柳眼拋擲古
今情 歌罷烏棲渾是夢明月下西汀綠波千曲繞長亭客懷如草
隨路逐春生

春游豔詞 西江月

詩落平洲烟艇夢飛錦里雲屏燕姬壓酒弄銀甌玉洞春迷花影
彈甲頻挑寶瑟洗妝恰抱冰輪迴廊小院舞衫橫簾外露華香冷

壬申上元前一日夢得 夫子像一幅長可丈許高峙座上兩

眸燁然鬚眉畢照前設一几而伯陽欵坐其下若調息然旁

識一行曰 孔子問禮老聃圖瞻視凡四次而五更破夢矣

敬以一律追記之昔劉舍人夢授漆器為千古異事今策幾

幾神遇焉似有同揆第媿文心不前耳

尼山久已旦清夜夢還通禮樂千秋社衣冠百世風避人歌匪兕問

道駕猶龍授器劉心在瞻依幸許同

上元

青山渾欲睡香霧夢中浮月色畱殘夜簫聲過別樓星燈珠點額花

市玉梢頭客思春前曲如同子夜秋

雪灑全楊伯祥太史

文心渺何往天外一峰盤清夢曉生白寒光夜可彈小樓笙怯玉曲
瀨鳥驚瀾不盡風前意盈盈到處看

晉之詩鈔卷一

晉之詩鈔卷二

華山紀遊詩

後學趙侗敦校閱

丁酉冬龔子自燕踰齊涉豫從豫入秦戊戌冬復由秦歷晉
回燕往返及萬餘里所見所題不盡於華山也溯出遊初志
寄于華故以華山名游而以所歷諸咏附著之

長生店題壁
盧溝橋下曉鐘鳴月落山前並馬行回首長安幾行雁題來詩句半
分明

樓桑村

樓桑曾是署英雄雁逼南天四望中武擔山頭爭鼎足先教遺恨到
江東

酈亭

風吹古壁青月出過酈亭荒塚寒林下猶聽注水經
過易水聽冰裂

悲風起木末客影蕭蕭舞彈指傳冰紋似與客傾吐憶昔驅車人竟

晉書詩金卷二
去不返顧所待終爲誰劍術將何補嗚呼空殺樊將軍日暮應迷送
行路

渡滹沱河

寒色下滹沱驅車此重過黃塵隨雁落紅樹倚風歌路剪沙鱗出冰
澌水鏡多遙看陸沉意何地托烟波

涼州

乙丑抵阜城城北胡盧河爲衛漳合流今亦漸微矣夜聽林
莽間有撥絃聲昔嵇叔夜流寓此間于華陽亭上學琴音入
四壁顧影頽然將無近是然此固游丁擁土妓作鷓鴣聲耳
爲作涼州詩

落日臨高臺浮雲滿天幕游子招歸鴻愁來不知托沽酒爲誰傾觴
久莫伸喙千門萬戶吳越吟一朝西風遍絃索一鼓鉄馬荒再鼓廟
廉鐸急流岬相激林莽橫自落紅顏坐中起抱瑟行沙漠桃葉柳枝
不再敲廣陵何處爭寥廓

乘馬踏雪

瑤天一望五雲平王樹林邊傍水行回首昨宵揮影處過橋風雪蹇
驢情

入濟南境去城十里遙見一峯斜插雲上道旁碑曰華不注

芙蓉駕雲來插入中峯頂平野蒼烟浮一枝擢青暝舉首天外看太
古存餘景特立不待扶翻笑紅塵冷

雪中懷白雪樓

白雪樓空雪未消鶴歸應自伴昏朝詩分岱岳搖青案人傍星辰履
王霄江左風流誰復爾中原文獻幾同標只今天半峨眉影猶倚金
壺馬上招

釣泉

出郭半餘里幽林於此安澗聲隨地合山色過橋看噴薄應非練盤
渦別有湍方塘成一鑑吹皺石鱗寒

望大伾

山氣如團絮陰崖掛夕陽仙靈閑展奕古佛靜聞香鳥語穿風牖鐘
聲下石梁身疑追禹跡蒼水珮明光

浮邱

浮邱止一邱高削逼天愁紅葉猶存寺青山半在樓香心依石座鳥舌剪風郵遙企雲門路相看共點頭

殷少師墓碣

殷比干墓四字傳為宣聖筆

千年帝子血迸作聖人書秣馬過金闕秋風古道餘

望太行

太行連陵絕首尾石磴千圍雲萬里橫空風雨半陰晴高折黃榆凝復徒嶺頭粘嶺似複閣泉外飛泉疑曳綺行人久說行道難斜陽返射天門裏

丙申至懷慶夜宿鄭藩故宮

故國河山夕照中愁雲萬疊古今同朱門邸第烟籠草綺閣笙歌鏡度鴻帶月鐘聲霜杵白繁花蛛網夜燈紅關情無限銅駝淚空有靈光寄殿東

天涯芳草望中賒一夜興亡帝子家繡榻芙蓉圍壁冷鎖窗鸚鵡語風斜西飛磐石長河月南帶橋山故壘花頭白開元宮監老至今猶

是問東華

渡黃河

黃河風烈聽沙鳴白練光中雲暗傾飛隼盤烟荒塔遠啼鳥啣日古橋橫直看瘦影扶驢背又覺殘笳趙客程遙指孤城迴落處幾株枯樹照人明

客中守歲

未渡河時望河南一帶連坡複障殆如修垣亘起疑是土城及過河則邛山也向夕抵孟津已小除矣除日客舍中孤燈熒熒顧影自笑作守歲詩

燕山七載混風塵又復頽然頓此身孤燭慣看形影切殘杯莫薦歲華新積來笥草他鄉路望到梅花故里春雙履儘教都踏遍來朝何地對芳辰

孟津客中元旦早起望太行

客中頻作客宿鳥報初晴風景他鄉別詩篇隔歲新青山排遠道野水抱荒城縱眺知何極高雲檻外生

謁光武原陵

高原矗起倚雲流漢代衣冠古帝邱灌木蕭然存粟柏殘碑猶復記
春秋春陵王氣橫空落白水英雄指顧收西望咸陽高廟在應知月
出許同遊

中興遐烈邁殷高赤伏雲龍闕野勞關右久思扶火德鄜南遂乃奮
前旄邱壠同體裁流水布素傳風大練袍還憶漢文陵獨久祗餘古
樹枕寒濤

出洛陽西門尋安樂窩欲一謁康節先生像啟扉而入見道風

宛然先生中坐其子伯温其孫公清左右列鬚眉欲動肅穆
安和備具冬日春風氣象左廂竹榻凝塵紙窗半掩恍若先
生坐卧其處也壁間刻有先生春遊詩五章因次其韵

自此邱中賞閒尋物外詩焚香清漏轉調宦道情依相送柴關出言
隨石路歸涼風吹水過步步亂春衣

雲拍桃花屋春情冷自妍聽鶯來樹裏洗屐過溪邊隔墅鐘鼓月提
壺竹帶烟衡門無底事榆柳記年季

悠然林樾秀籬落此中開白袷穿飛絮青溪數落梅隴前短笛起花
外小車來拍手兒童笑先生何處回

春氣滿天涯清和似永嘉穿雲因採藥汲水自澆花正得睡中樂無
煩醉影遮夕陽驢背上山色半籠沙

枕間書共卧樹影下初陽呼取啼鶯出夢來野水香長吟成抱膝就
蔭爲移床一縷茶烟起因之爲客忙

安樂窩

先生性高妙是處見天真只今千載下猶與道風隣語笑皆童伴逢
迎忘主賓到來成太古坐失馬頭塵

出康節祠左折二里餘過天津橋爲先生聞杜鵑處天地風景
惟有道者先識之未可以術數倫也作天津橋詩

解道先生萬事捐行車小隊狎風烟天津橋外斜陽晚偏有閒情問
杜鵑

憶江南

發孟津日當午黃塵起前見所遊諸山盡入米家父子潑墨

中約畧道旁碣有王祥太保墓甘羅丞相塚不及下視時雨
氣淋瀝飽衣裾同行苦之予笑曰此澆十斛馬頭塵天公意
良厚膏雨入深徑視前路似無從出陡然西折破山而行下
視林轉沙盤松枝柳線倒掛谿流間斜風鼓之拂拂作清新
柳濯濯大似馬遠一幅江南春景作憶江南詩

停沙迴澗柳陰低夾道花香半入泥剪得春光隨處著粘來應在嶺
雲西

函谷

崔嵬一線引天門嶂鎖寒雲萬壑屯閣道空行迴去馬荒城午戌聽
啼猿秦風勒險星河動漢月憑高草木喧極目關頭千古話且教長
劍倚朝昏
孤城圍集夜光闌翹首長虹下急湍六國山河屏外拱二陵風雨鏡
中寒黃塵坐擁排青塞画角傳空响石壇虎柵正看回卧處亂雲深
鎖到長安

冒雨過函谷

遙天垂幕澗爭流峽底鳴沙亂石浮一線抵關開百道羣峰夾座起
重樓無前王氣歌鐘外此日雄談斷壁收莫指金城在秦世嶠函風
雨至今留

桃林關

憑高一望古雲平千里驅車百感生猶見秦時明月在桃林關下照
人行

蒼龍嶺

峯高難可視雲懶不禁飛插石排分界摩空掣落暉古青天罩樹虛
白月穿圍獨雀橫歸海罡風刷羽衣

溫泉

華清春夢冷溫泉猶未寒空餘鸚鵡舌時話劍門盤
繡嶺宮前水隨風到馬嵬淋鈴一曲後七寶幾停杯
海棠初浴罷凝露試新粧解釋風前事應知春恨長
盡日深宮裏惟聽流水過液池飛燕在當悔避風多
水德本寧淡山靈詎久汚玉環應自笑洗得洗兒無

漁陽鼙鼓日潭水不驚塵月落松頭午疑聽照夜聲

浴温泉

芳閣清陰下拍浮足自怡暗春低度徑曲瀨細通池淡宕初醒後迷離半夢時無煩吹玉笛風動奏連漪

湛然一勺耳照盡古今忙獨立中流影春風吹水香玉堦縫細草石磴下斜陽冉冉翠微路高天雲外涼

灞橋新柳

灞橋南望逐輕塵芳草妍和景物新盡道曲中聞折柳如何尚有未歸人

風吹弱柳拂征鞍橋下春光帶急湍莫待行人攀折盡古來青眼幾人看

芳草年年路春陰下柳條樓前人倚笛沙外雪添潮風落三山酒晴回萬里橋馬蹄遙踏處榆塞夢應消

驅車分手去野色暗離亭鳥語初啣綠茶香半入青章臺飛絮繞太液看波停誰唱陽關曲秦雲處處聽

東風欲誰寄早綰柳絲絲正是鶯啼候尤憐落照時永豐新署遠西渭暗潮隨畫角時催路凝粧少婦知

渭曲晴方好津亭樹半黃高樓眉作案朝雨露凝香小立春風隊還牽客夢長玉溝涼月照搖曳酒旗旁

抵西安從小東門入云此即邵平種瓜之青門也或又云秦都咸陽青門在四十里外為作青門詩

烟鎖秦宮燕羽忙吞聲故老伴斜陽只今原上寒流影猶照青門淚幾行

過永寧橋上長安道

春入晴光繡陌開灞橋疎柳倚風裁金羈夾道鴛鴦佩玉甲傳籌琬珀杯月落新豐千樹影煙籠上苑百花臺那堪聽罷青門曲曾見當時歌舞來

長安固秦漢隋唐故都也因作四宮詞

弄玉樓頭雙鳳臺宜春偏說守宮來不知一炬咸陽後猶剩阿房幾點灰秦宮

太液春風憶柳枝葡萄酒熟燕來時當年歌舞平陽女偷學延年花
底吹漢宮

宮聲一往問琵琶為憶迷樓帝子家殿脚才人齊踏曲吳公臺下夕
陽斜隋宮

斜倚銀屏鉄笛涼華清日照舞衣香却憐夜半長生語鸚鵡簾前說
上皇唐宮

樂遊原

樂遊原上聽鶯聲猶說風流柳耆卿一曲清歌浮落月至如今花露拍
銀罌

藍關韓吏部阻雪於此

深崑崙翳幾層圍雲路疑傳牧唱來斷碣尚題韓吏部天峰笏立馬
頭回

終南積雪

玉簇芙蓉鏡雲門曉望開地盤秦塞曲天入漢宮隈翠磴風前落紅
泉樹杪來遙看殘雪在銀榜掛樓臺

春光過已半殘雪隱終南瀑落知分白雲停欲借藍風花迷界道天
鏡發幽嵐回首離宮路鐘聲下石龕

入藩署署為唐忠武郭汾陽王賜第尚有顏魯公書郭敬之家
廟碑在

尚父中書二十年功成天寶柱凌烟只今十院荒苔處彷彿紅綃袖
拂絃

太尉祠前野草空九天劍笏付春風祇餘官舍烏啼月遙帶終南樹
裏鐘

署中當中秋咏明月

極目秦川路蒼茫古道存風傳隴首葉月照渭波聲天地吾徒席關
山此夜情南樓方入夢歸雁已三更

關山遮不斷明月又中天王管霜心外銀河雁影邊蓮花依漏轉楓
葉照溪寒萬里秋光下孤城一帶懸

乘月歸寓

玉峽泉流白石香月寒山徑樹蒼蒼一天夜色排空落萬里秋風雁

幾行

度鴻門坂題郵亭壁

千秋遺恨說鴻門一眴英雄此地論秦鹿儘教隨手逐楚騅寧待渡
江存當年歌舞斜陽冷事後興亡杜宇翻百戰空成齊解甲虞兮獨
立美人魂

華山詩八律

疊成萬笏繡巒呼吸靈通帝座看影插蓮花雲四面妝開玉女鏡
千盤星明東觀排空曉鴈落西風照雪寒時二月既望積雪尚在中峯極目秦川春色
遍天圍絕徑走長安

華岳三峰拔地生芙蓉杯瀉暮雲殷直看天路陰晴外特許關門信

宿迎自桃林關至華州幾二百里倒影黃河穿塞入倚盆玉女駕空行何時獨上罡風

頂長侍仙人九節莖

終古名山白帝宮不知何代展鴻濛地盤河曲千秋帶天入秦關萬

里雄縹緲晴光飛幘外虛無靈界結寰中豆觴前席羣真會彷彿軒

皇劍珮風軒轅於此會羣神

山色空蒼貯夕陽直從古道判玄黃星躔輿柳雲中駕氣肅金天域

外翔疊嶂紅泉來樹杪懸涯白雪舞蓮香人間何有崎嶇路絕頂風

前掉臂望

秀擢芙蓉映玉卮蔚藍宮裏午風吹峪封疊絮山山雨月焰飛烟樹

樹枝避詔不符梁父咏空撞恥受李斯碑清光萬里隨雙足拾得欵

欵步暗追

仰首高雲傲大荒雲門曉鏡樹蒼蒼星因掛漢聯珠瀑柱為承天啟

玉梁龍爪有鬚供塵尾柯坪無徑轉羊腸遙思當日宸游地御道猶

垂曙陌長

帝網連霄石月繁繡苔長裹伏沙鳴西來萬馬乘雲遙南倚三天拂

翠行絳蕊交枝橫古洞金塘落鴈點層城五銖衣抱瑤函出人代河

山望裏評

龍鑱雲根柱帝邱峰圍玉乳羃寒流岳蓮正撮驪山影河練中分渭

水秋野鶴銜烟天合篆長松嵌石翠成樓巨靈掌上前身雪案題

詩最上頭

晉之詩鈔卷二
八
游西山詩

出西便門馬上望西山

矯首亭臯上西山速客來都將瓢笠意收拾白雲回

行西山半道中懷舊

九折芙蓉烟作梯山容特爲故人低斜陽見慣興亡事禾黍風前笑馬蹄

壽會院月下坐瞥見佛燈熒然

山月林間吐冰天碾玉輪收來碧落景灑作寶華塵樹樹添秋影燈燈結往因未須尋象外月下見全身

香山道中

栢幢松蓋列西東寂寂禪心鎖故宮地脊天粘幾重翠山眉雲掠一行風上方杳藹香光外客路浮沉馬跡中澗底鳴沙聞暗語不知身在化城中

入香山寺徑

宿雲棲古殿龍象自嶙峋鳥下風煙亂人經邱壑新樹欹因傲世沙

淨不沾塵只此登臨意蒼涼未易論

來青軒

山深秋自秘樓閣特軒然石骨支陰壑雲心落午蓮經行隨別徑澹足即逃禪獨立層臺上青來第一天

玉輦知何向題名半壁收疑聞天語至應共寶華浮疊嶂排前隊孤亭湧上頭山中人古道猶復話宸遊

危欄看倚遍夾道翠層層佛髻全簪石山腰半繫藤午音飛下界秋壑遙連陵打疊諸天影拈來得未曾

看山無止足况復在秋期碧瓦奔蒼鼠新蘿篆古碑香心到寺合泉响出林追獨翠畱宸賞天風起暮思

洪光寺相徑上下

叠叠秋林畫松頭落梵鐘石梯雲上下澗道樹西東鳥避疑無徑烟迴別有峰徘徊天外望恍踏舊時蹤

千佛圓殿

嶽連橫海界片片翠雲封千佛分身現因緣止一宗團樂多寶塢妙

晉書詩卷二
轉法華蹤直指雲門路應看靜裏容

從香山折碧雲

山容宜晚對孤坐積清陰幽徑削石壁天風何處音陟岡理橫眺界道陳古今不作區中緣而領物外心空亭集虛白雲起鳥自沉折徑訪秋烟寒流適過林生平恥隨俗覓路耐欹欵捫舌談少游放懷誰相深山河歷歷前好風一披襟我意寡獻酬靜寄中峰尋

款坐石梁

千峰忙裏遞入暮自蒼然帶影過橋去閒雲石上眠

度碧雲坐石聞梵音

碧漪蓮池靜自依風穿黃葉補秋衣只看白社浮雲遠不覺青林野角飛初地那禁橫見出名山寧許澹忘歸何時宅傍烟霞住鶴伴峰頭月欵扉

探龍湫

入門即聽泉泉出中峰嶺石上自經行聲外發人省石寒泉自溫泉
誼石還靜風過亦無言吹落秋潭影

碧雲

衆山迴抱裏環翠出香林曲逕上復上高松陰外陰泉生明滅相亭貯古今音隔絕飛塵去遙天坐碧岑

振衣高嶺上塵界似空流山以月爭勝人隨風快游芙蓉青不淺薛荔翠能周鳥下如相識投林共一邱

寶藏閣

閣上人天護闔閭珠林玉海界中藏龍依石鉢雲生畫佛對燈花夜有香領袖諸峰橫大漠總持羣象鎮微茫只教半偈單提處風送清波月滿航

題閣下壁

林轉峰回是處灣泉封石路樹爲關側身天地秋聲外瞥眼香光鳥道間夢破夕陽何代寺拈來古月幾重山蓮花午漏聞初定自覺浮生好放閒

山忽逢人至蕭閒若未經苔拖泉腳綠雲抱佛頭青有相風能舉無言月似聽西來何密意處處鳥窺櫺

山中宿

野色初收杖屨邊停雲直上影珊珊千峰並着乾坤放一宿羣叅夢
覺禪素月自奩香水社丹楓欲繡淨居天塵根到此都無着爲乞空
王舌底蓮

月下顧影思舊踪

爲憶青蓮界重來問法堂烏調新姓字蘇勒舊行藏月指天人境風
旛妙法航居然居鹿苑何待虎谿霜

夕眺

獨立幽亭起浩思白雲黃葉信何之山公閱盡門前道寫入蒼茫夕
照時

中天樓閣花成鬢大地河梁翠是罌客意不知身在遠秋山明月雁
來聲

步寺後山徑

沙界多荒磧僧厨薄晚烟風霜鈴下語星月墻前懸登眺知何極徘徊
各自緣劫灰看滿地何處習安禪

殘僧歸院落孤雁下神州秋老破空碧山光接上頭

山僧談述山間事

老僧漫自說休糧領受諸天洗鉢方忽地數聲飛野角禪心亦是亂
滄桑

語山行同人

只辦探幽去餘情總自刪風塵吾道遠雲壑古顏攀白衣冠在藍
輿節序閒少年裘馬客端不妬游山

老至賓朋切秋深氣骨多且將偷寄傲正復養微醅退院野僧坐危
巒山鬼呵孤行境易好應許暗經過

爲淹康樂屐寧計阮宣錢到寺秋先集過雲石已眠踈慵銷世相驅
策盡山緣一抹芙蓉外輕鴻淡寫天

不倦登臨意蒼茫月出時山清鳥見影霜老葉翻枝片石空王氣停
雲遠客思千秋總乘興畱待後人窺

同行述有市人唾山游者笑而謝之

山本作意迎人意自草草胸存邱壑素自識山意好領會詎在多觀

面即深曉泉聲幾迴合山影或傾倒加以烟外鐘兼之沙際鳥古道
仍橫陳我意自清矯山中不見山出山識山表勝彼在山人慣見不
知寶方其未入山只覺心目小殷然似經營淡然如卻掃有訂可重
逢無言特徑造我輩踏秋山大致具了了飽此歸去來勿爲市人道
人靜山自靈悠悠坐深昊對之澄心顏千古惟此老

碧雲高峰看落月初日並照

月落西林白朝暎照嶺東夢移千嶂席天癸五更鐘樹暗秋蟲語香
寒古壁籠有無山色界彷彿見鴻濛

卧佛寺

知是津梁倦閒挑夢影過臺荒鐘偃石地冷佛披蘿放倒因緣在歸
依法相多正教醒眼看一覺指恒河
蜨鹿爭玄塵瞿曇閉目叅黃梁鼎外熟黑蟻枕中酣一餉應同幻千
秋詎足貧寂寥西望處月照嶺頭龕
腳踢須彌去全身頓此中掣來圓鏡出擲向睡魔空曲抱諸天戲低
眉寶相融晚山夕照下生受雨花籠

土木形骸是靈山會裏遮雲趺座下石龍鉢鏡中花任舉安心法無
煩截指差素珠誰覓在撒手笑天涯

晉之詩鈔卷二

晉之詩鈔卷三

後學趙侗敦校閱

俟菴咏史

讀史漫咏

北窗如竇懸明月以自照乃風雨突來發故簾抽舊史集千
載上人供其扮演或莊或諧忽啼忽笑如奏雜劇於紅牙白
氈間政以不倫不脊勝之題罷時自哦云攜來躑躅閒還遣
看到排場夢亦多有插身桃花社者願以此佐一瓢而為說
法時為癸未冬作

瓜田灞產畫成邱柳陌咸陽夾置郵逃世伯鸞甘廡下倦游司馬念
爐頭道旁山鬼椰榆盡石上魚腸次第收畱得看雲雙眼在滄江如
畫一孤舟

聞道山人不住山鼎爐半死學開關荆高有伴難醫俗皮陸無交任
破慳結束每思尋馬骨游閒偏是逐魚蠻相將鉄笛林中出槐棘成
風莫浪攀

配馬言驢次葛王冷期熱扇面難降掇皮但說羊公鶴越次何翰苑

外狼投筋且畱尊刺在蕪香空博露珠狂暗中摹索難君等楓柳何
年到棟梁

隱囊躡屐坐間持巾角低翻袖拂棋九曲博山時鏤綫八升鑄水湯
分銳士隆雙鎖堪題馬豐樂單雕妙著龜何似快颿千里度新亭日
暮看張嬉

儘饒風雨妬湘山且卧黃陵月半灣浦口牧羊甘解愠雒陽啼鳩總
銷閒三生鸚鵡題秋夢一片虹霓切王顏廣武莫教慙豎子穀城黃
石未應頑

柿葉臨書晉永和桃花炊飯漢南坡不因三尺鷺溪絹寧博雙橋錦
帶梭金谷觴飛傳翠袖玉堂簾捲散銀河放懷往事應同癖自是蘇
耽咲較多

滿眼風烟涕不收秦龍射虎竟何求星飛疊鼓驚營火月暗迴旗捲
石頭河外競思紅抹額江州誰唱白符鷗茫茫鵲印垂千古畱取之
罌鑄觸醜

芳草春風幾度迴奉天城上長新苔放螢歸去傳清夜鬪鶴重教過

王臺惆悵晉陽明月渡淋漓雒水白雲杯望夷爭說秦宮舊白帝猶
歌漢苑來

虞人空是伐鷓鷯寧得分羹便解醒下澤驅來陽五市浪歌翻出祖
瑩城鳳池鳩集渾疑借華閣蠅飛許共盟便爾寢興隨帳宿莫言宰
相到今盲

韓八文章襪線離黃塵歌吹殿中推荷梁正弱難依柱蘭葉初栽未
著枝放爾華林勳閣夢憑君雪版賀玄詩何時一洒西江水博得湘
東百六題

藍田簫管送歸鴻燕子樓高月半空兩隊美人爭執拂幾家妝閤慣
題紅當筵鮑老寧辭重乞食歌姬未是窮一字遍邀公瑾顧可能舞
袖繫春風

笑殺何郎食萬錢西陵分履且分烟樓因平仲稱無地郡借蘇章別
有天半爲呼盧尊節俠更多黃白餉神仙青門燕子雙飛去寧博鶯
穀失路憐

巫江疑暗楚江清夢去櫻桃半未醒白玉有殼憐欸曲黃金無計說

晉之詩金卷三
二
娉婷河陽春色看前隊普救風光合後庭清簾踈簾當畫罷西眉宮
曲舊曾聽

落日青山半釣竿梁園秋色未教殘華陽十賚文移入古竺三生石
夢闌不憤短衣隨李廣儘容長缺伴馮歡猛拚醉卧中山裏冷煖從
人作話看

慚愧侯盧率自師諸生傳引竟何支身常自下嚴繚尉治不相因襲
李斯北畧幾多廝養卒外黃猶有舍人兒紛紛盲指當年事樞頌登
堂誇魯碑

東郭先生一布衣蘇門長嘯夕陽歸醞來曲韋成新釀鋤得青梅破
早肥蠲屐半爲穿竹徑羊裘徒羨釣魚磯塾巾樓外儂歌起遮莫分
甘慰樂饑

誰是當年社稷身憂時未必盡通津書生動冒將軍重宰相應知獄
吏尊古壘荒臺空老戍樓船下瀨半游禪風霾滿地徒憎眼尚說前
薪與後塵

譚利紛紜薄管劉投時不借古人籌纔看溢地侵鷗鷺又報餘糧刺

螻蝻金矢每猷亡命骨城髡半屬富民頭不知寡婦何年利歛獲三
時未滿篝

將軍河上擁千舸楚舞湘歌詎易勞廟算有人圖後效軍聲無計問
先逃何來京觀長鯨築望去旌旗旅鴈號共說金臺多騎劫故侯誰
念霍驃騮

不貪夜氣識金銀白日消磨更有神古道僅嗟迷五色時宜偏許製
三墳固知見晚客何異不分趨先孰與親多少麻衣紅燭夜排當到
處見龍門

臺深銅雀鎖斜陽鉄馬重嘶過北邙習古高談幾兩屐擲杯孤憤半
空囊魚鬚寧柱烏衣舊雞舌徒粘紫袖香盡擬故侯瓜熟未千頭楚
頌已成行

八月天山雪作坡銀河夜靜月如波只聞笳角穿圍走不道金繒出
塞多舞破鷓鴣看落索歌殘鸚鵡開蘇羅玉門關外青江裏都護猶
逢醉尉呵

春入東風第幾枝海棠初帖燕飛時投將紅豆頻堪珮何處朱絃未

有詩桃葉平分看北社竹冠倒載出南皮五陵花色分斜月薄倖青樓莫漫推

却咲當時傾蓋遭陳樓范蔡等心勞庸秦犀首投情去嫚楚張儀抵掌高龍戰幾能推傳介虱捫何事跨搏霄窺園董子知無恙風雨聯床說漢臯

博取青山好著書彈冠結襪定誰如浪傳觴政歸蘭墅屬有琴心過竹廬水薦文盟槐市鶴盤歌春草曲江魚龍團煮雪谿堂晚聞說陶家正種蔬

三千養士誼成山偏送田橫五百賢推斗不甘依北面奉頭知是博生顏季心然諾終輕世劇孟風報半托閒且說好畱儀舌在吳鈞一夜血如殷

爭看絕裾學溫嶠誰是王陽叱馭遙一片牛衣灰似冷幾番雞肋首重邀夕陽夢破三更漏春社腸迴萬里橋共借高歡譚勝事黃塵不上舊青貂

三望名車雅重賢為郎寂寂咲騶前牽裾正欲端劉璵踞屋終思攝

戴淵共食不慚携七箸贖估能自擲金錢南塘一出渾無賴塑脚三千好自便

少微星動滿長安捉鼻何如抱膝歡唯見畫龍穿幕次不煩題鳳到河干爭差漉酒巾無葛疇念傳餐邑有肝咫尺終南忙不了幾曾閉戶累纓冠

短衫胡抹雜紅裙壁有先驅棘置墳懼不受金非是黨使皆奉法孰如君水砦有舫畱長舌華福空編絕露齟獨怪啼鶻過北道天津橋外托斜暉

趙竇英雄盛饋遺曹邱口舌佐傾危青萍燭盡西堂杳白雪尊空北海移緩帶書生誇熱地飛矢俠士記殘碑紛紛柳眼疑爭妬好把翻雲謹護持

兩無材德號痴頑長樂宗門到處頌一席茅菴同卧起四朝簪紱好容顏且看歸興秋容淡何地逃名石火寒頌酒品茶多刺事擊壺不為怒衝冠

三百綾紋遜墨囊離騷手錄壓書莊拜前那得登糟壘撮近猶饒領

射堂企脚琵琶彈北牖懷冰暑月映西廊攀提安萬渾閑事坐聽籬
邊未易降

却訝爰居受享繁誰知吉了僅能言仕吳入雜名爭崇去漢投新冷
自喧濺血田光車騎富調詞供奉酒杯翻長門寂靜傳司馬羸倚南
窗白玉軒

千里黃華獵獵風樓緩騎射直雲中梅花不斷漁陽夢柳葉驚傳雁
水鴻都護錦襜丁上舍冠軍紫袖霍青童封侯骨相知誰是一笑天
山第幾功

機罷流黃少婦愁橐中間却鷓鴣裘排當才子新詞筆軼宕胡姬舊
酒樓吹月玉簫迎落照書雲紅袖擁清秋茂陵杜曲空遺恨爭似清
谿一葉舟

社列桃花是處狂秦青侯白坐高堂平分香玉紅牙節半折鶯聲白
纒忙解事司空誇渾見故家歌妓咲郎當忽來蘓鬢傳清角斜抱琵
琶過玉床

世相從人笑蔽樗湖頭春草隴頭魚故衣不復推前席新特何心問

後車白首幾行游俠傳青雲一紙絕交書龍眠多少滄洲思老把西
風賦子虛

雪澆琥珀夜光寒舞柘浮梅百疊盤一代應徐多架漏千秋顧陸絕
吹彈飛書醉白河南脚投石班青雒下冠滿眼新豐看市驛不知世
外有長安

醉裏藏鈎夢竊符傳籌蜀肆擁呼盧無雙慣掣流黃被第五誰分白
石瓢不見推排開輦閣惟聞約束到江湖書生眼窄橫千古領得乾
坤一酒徒

蟬葉菴詠古

叔敖子孫負薪吟

共酌貪泉且自安于今優孟笑衣冠寢邱猶斲時賢力慚愧清風不
耐寒

武子以兵法試美人

粉陣孫吳令必行桃槍竹甲擁雲城可憐一夜山花血買斷君心逐
曉征

漂母進食不望報

珍重今人寶一餐，千金猶覺古人酸。生憎國士多寒相，誰道貧兒下拜難。

曼倩割肉貽細君

索米長安不受塵，何妨割肉自稱仁。殿中辟戟珠兒却，曾是金門有弄臣。

公孫弘陳說恒推長孺先發

六十餘年牧豕游，談奇曾便習沉浮。淮陽后命因先發，羸取平津擁故侯。

馬文淵處田牧間恥為守財虜

聚米成山氣不侔，據鞍曳足未應休。五谿銅柱千秋骨，田牧紛紛讓少游。

童子鴻滅竈更燃

熱不因人冷自持，孤兒應得忍噓吹。却憐看案傳佳事，閨閣同風稱縞綦。

德操輒言佳

亭亭百尺豈隨波，石隱無言意自多。為問逢場青白眼，千秋評論竟誰何。

陳仲弓受侯常侍囑乞從外署不以累高倫

文範尊稱古太邱，何來自點佐人謀。不因黨錮爭先就，獨弔終貽名士羞。

田禾將軍子白衣步擔去郵亭

生成裘馬稱烏衣，步入郵亭事已希。珍重來時亭長意，渾挑名姓擔頭歸。

德操謂龐德公妻子作雞黍元直欲來

世亂難為主客情，妻兒寧解作逢迎。不知造次譚何事，怪底英雄冷處行。

孔明自比管樂

不嫌殘局擁危孤，指顧三分已畫圖。不是俯心儕管樂，齊城周室意同符。

孔明拜表連歲出師

住行勞費等相儔拜表朝行暮未休共說疲民勤尺寸荆梁退步豈中留

安石子姪賭墅

漫信風流不教兒爭先幼度捷淮淝紫囊蠲屐渾閒事認錯東山一着棋

叔夜柳下箕踞鍛

白眼看人世法疎廣陵一曲意無餘后人黃白紛紛夢莫附山陽醉客初

謝安石不廢絲竹

暮年陶寫在清歌石室新亭韻孰多聽樂遂令移俗賞西州叩誦較如何

桓子野登胡床吹笛不與子猷交一言

竹間嘯詠意高閒獨樹風流不用班無端子野清歌落弄罷山陽竟自還

陶淵明五子不好紙筆

機雲入雒愧前賢晉代遺民子姓編若使風流步王謝酒巾籬菊豈高眠

謝仁祖企脚北窗下彈琵琶

鷓絃短撥鸛般西手攬清輝抗不迷企脚科頭遙自致不知天外有青霓

梁懷英對御褫昌宗翠裘出衣家奴

反周一局久爭輸用作當場對壘呼擲得翠裘渾不着等閒國老有家奴

師德以侍御應詔戴紅抹額

手携皮袴去河蘭八戰功成唾自殘密舉懷英橫受擠比周唐室儘人瞞

李長源雪夜叩懶殘

夜半天峰雪徑遙九仙衣冷骨聲瑯禪機領取無多字衡岳雲深未易招

李太白遊襄陽馬首掛金壺擁雪而笑
生來明月冷青山身際遙天不可攀今朝馬首看山色笑倚金壺載
酒還

郭子儀躬耕百畝

救饑端是望中儲輓餉空傳賦役書莫謂募耕無上策四朝元老荷
戈鋤

韓滉身先負米餉關中

斗粟千蚨勢不支風濤冒遣敢教私飾情誰道身先易市釀為歡醉
已奇

司馬承禎遙指終南

捷徑風雲到處生熱時猶傍冷時行不知夢入櫻桃擔大意終南見
未明

王昌齡高適王之渙旗亭私聽伶謳定詩名甲乙

白社青林次第班選穀流韻未能刪旗亭賞酒閒評跋銷注佳人一
破顏

李贄皇率戶簡雄邊子弟

南詔籌邊左右圖栖雞合水並歸俘六年起草精思院值得岷州一
夢無

蘇子美斗酒下漢史

千秋扮演待人看一斗排當取次歡不為子房偏屬意縱橫劍履古
人難

宋子京忍寒謝半臂

美人觴政自風流日暮輕寒釀翠樓笑倚花枝爭半臂原非愁處起
人愁

錢惟演遣厨傳歌妓渡伊水畱永叔希深龍門賞雪

風落雲停山意裁疎林折處渡船迴清歌半部留殘夜會踏龍門雪
影來

宋子京雪幕令麗豎攤燭草唐書

玉管銀題映畫檠謾勞仙史摘雲英人間絲竹緣多事咫尺瑤天不
夜城

子瞻居海南戒子過毋令中朝知蠔味
京塵雒陌夢餘羶那更尋思海錯篇非是恬情忘給賞當筵風味個
中傳

元鎮盡鬻田廬止築玉山草堂于茜涇西

風塵滿界地無多賸有吳山雲一窩笑指墻東十畝外鶴糧魚稅較
爭苛

松風小箋

咏梅

萍寓金臺夢中偶得古白二語覺來以示薦兒促筆成之遂
得十絕句

扁舟載月到銀灣花性如僧入定閒古白許同天地老特畱清影照
空山

曲塢茶香返照初晴雲何事訪吾廬倦依折脚鐺邊坐古澗敲中把
道書

冷蕊疎枝不用扶高寒恰稱客星孤柴門幾點風前雪送得羅浮入

夢無

一枝橫照出層坡索笑簷前蝶影傴夜半南軒垂露立空廊偏覺月
明多

小窗幽獨媚清陰歲暮相看共此心瘦影恰宜扶石坐生來骨相帶
嶸嶸

老結同心幾樹花鏡山橫襯帽簷斜昨宵拄杖聯詩處一路寒光捲
白沙

碧苔深徑坐黃昏長笛空江何處村共說酒醒聽放鶴三分銀月弄
梅痕

虛堂疎磬道心微忽地墻東破早肥折取一枝初雨後不禁羌笛暗
聲飛

流水孤村去路賒亂峰沉鎖小亭遮相看莫訝寒威重宿火圍爐處
士家

野艇梭烟鳥背啼斷橋落照蹇驢低幽香偏在無人境認得寒雲護
竹西

恭輓思宗烈皇帝哀絕

咫尺風塵幕九天蒼梧雲影落寒烟不知玉輦歸來夜誰復低頭拜
杜鵑

日薄西山路引遙竟將弓劍說前朝可憐十四陵頭月望帝來思倚
玉橋

兩行血詔洒千秋何日新園望故樓惟有橋山雲去路猶傳鸚鵡話
邊愁

十遣專征九不歸登樓空悵舊旌揮白虹一夜橫汾去化作龍泉到
處飛

宮衣血濺旅魂催楚舞秦歌作舉哀夜半荼菴看獨柳鼎湖龍去燕
歸來

滿目山川暮雨過千門一炬竟誰何秋槐春草無窮恨不道新亭淚
獨多

長楊風起午聞鐘誰料泉門即九重明月銅駝嘶故主却疑甲帳在
前峰

莫道昭華動玉輪漢儀俱是屬黃塵不知秘器何年設野吹徒聞哭
至尊

甲申小除展先臣待漏圖感思列帝陵主志慟

夜深風雨雜松楸銷斷乾坤萬里愁十代普天悲鑄鼎一時何地問
藏舟衣冠白日孤臣影戎馬青山異國秋帝后寢園猶露宿椒漿誰
復醉荒邱

燕雲月斷起悲歌王氣中原竟若何唐寢曉風空劍佩漢宮秋色半
榛柯荒臺古徑山靈泣復道青燐夜影多遙憶冬青花自老南天應
隔舊山河

甲申除夕簡舊曆志慟

舊號明朝遂已除鼎湖何在嘆邱墟一燈明滅千秋話中夜拋殘數
葉書青塚有靈依故國野烟無路問行車懸知隔歲將除日萬戶鐘
聲待漏餘

燕臺懷古

北望登臺未惜遙興亡千古托前朝祇餘輦路分春草寧得飛花過

玉橋

春風博望領書堂雞舌香分玉蕊囊墨浸珊瑚空閣筆更無一字答
明光

白雲猶寄帝城秋夢裏斜陽十二樓辭漢仙人空掩淚銅壺催去咽
宮流

白塔亭亭半入雲山川幾路淚初分可憐望帝魂歸去叫破南天未
有聞

水冷沙寒月暗生蘆溝橋外曉鐘橫北風一夜吹入夢回首江南鉄
馬行

西山西去半丹楓月落宮墻夜已空芳草天涯無覓伴早鶯猶是話
東風

風雪燈前酒漫呼那堪高唱帝城孤不知行殿何人至細結春苔不
破蛺

歸來燕子趁斜風千里驚飛覓舊鴻記得春燈宮市罷銀箏撥盡酒
鑪紅

夜合花開月半明藏鈎竊處聞華清楚雲十二峰頭望疑有攔干夢
裏生

南撓不載遠遊冠錦韉朝天繫赤槃可奈故宮聞鶴唳亂山無語夕
陽殘

金陵懷古

岸幘旗亭說俊遊江山如奕判風流都來三百年間事銷領春光付
莫愁

一帶寒山郭外斜江楓落盡捲空沙昇元舊寺迴廊下不伴風箏伴
雨花

柳枝桃葉各成行占斷春風咲北邙只有梅妍三笛夢漫勞鸚鵡話
漁陽

芙蓉花發白楊西舞破紅衫襯馬蹄莫唱舊家臨水調風流天子有
新題

銀燭無烟冷画扉王孫芳草望中歸何時獨立攔干外細雨江亭燕
子飛

學士風流半面妝金屏花照玉鱗缸清江王氣沉沙去剩有楓心醉夕陽

江山不謝舊時塵烟草排場事事新領取當年庾開府一朝回首老詞臣

斷雲古戍嶂千層黃葉西風下秣陵幾度踈碁回漢漏錯教人聽雨淋鈴

一曲琵琶萬戶秋門臨桃葉水東流遙思紅豆歌殘月誰怯笙寒傍小樓

幾度霜華到鳳臺客心草草雁初回周郎往事風流盡江左空歌日暮哀

順治十六年十一月

上諭明崇禎帝勵精圖治身殉社稷特

追謚曰莊烈恭紀

聖諭并識感懷

天冊新承到玉樓

王言兩字表春秋靈光直覩如生氣銷得當年

萬壘愁

夜半鐘聲黯不聞更從何日問殘曛周迴閣道千官散惟有紅亭血

未分

甲申三月十九日帝于宮中自起鳴鐘外庭無應乃起紅亭自殉

獵獵雲旗去上方蒙頭止說謝高皇兩行血詔千秋史長伴啼鵲咽

夜光

帝手書血詔于襟蓬跣以謝祖宗

雒陽帝子赴銅臺燃指成香痛國哀從此王熙渾不御深宮顧影自

徘徊

帝每從玉熙宮聽樂自聞雒陽變燃指祭告后竟不御

神馬思車萬里程宵衣端只念蒼生龍髯攀處霜毫出三十英齡苦

自營

帝齡三十餘耳以憂勤故遽見二毛

痛定追思悵莫從蒼梧雲去鼎隨龍可憐閭闔魂遊地目視茶菴一

菜傭

帝后停茶菴止一不知姓名菜傭哭絕于此

往事難將白日詢祇堪風雨問遺民燕山一帶青青草記得銷魂是

暮春

帝以三月十九日殉國

回首寒雲共一邱帝葬田貴妃墓中西陵西去野鷗秋疑聞夜半傳天語猶向

平臺召故侯

晉之詩鈔卷三

晉書卷之三

Blank columns for text in a traditional Chinese manuscript format.

